

HARVARD COLLEGE LIBRARY  
FROM THE  
HARVARD - YENCHING  
INSTITUTE  
JUL 8 1929

24

3

2

~~Ch L 3245.0.83~~

T Ch L 3243.<sup>582.</sup>0,83

3243/0.83

貴州通志卷之三十五

藝文

疏

國朝

廣教化疏

為貴州苗多民少急請廣示教化仰祈

齊鑒勅部議覆事竊惟貴州古稱鬼方自大略城而外

四顧皆苗其貴陽以東苗為夥而銅苗九股為悍

其次曰獐狍曰狚獍曰八番子曰土人曰洞人蠻

人曰冉家蠻貴陽以西羅羅為夥而黑羅為悍其

次曰狚家曰未定曰蔡家曰龍家曰白羅雖種類

哈佛大學哈佛藥家  
圖書館珍藏印

通志巨

不同要若專事其教不講孝弟忠信絕先王禮義之教尚稱交臂之香其來舊矣故馭苗者往往急則用威緩則用恩恩濫而驕稽古舜用于羽苗之教其教之威伊縱孟獲非故寬之也皆有深意存焉蓋以教化無不可施之地而風俗無不可移之瘴也苗性至詐而可以信乎苗性至貪而可以廉感其作梗衝路宜效保甲之規其讐殺抄劫宜立鷓剿之法又賞罰之條必信餽送之陋必革凡此皆臣所當悉心力行不敢贅陳惟是我皇上創闢大一統之業開億萬年文明之休乘此遐荒開闢之初首明教化以端本始其大者莫如作養

世祿今後土官應襲年十三以上者令入學習禮由儒學起送承襲其族屬子弟願入學者聽補廩科貢與漢民一體仕進使明知禮義之為利則儒教日興而理各異矣又莫如預制土官夫土舍私相傳授支派不明爭奪由起爭奪不已釀成變故今律例通歲終令土官各上其世系履歷及有無嗣子開報布政司三年當入

覲則預上其籍於部其起送襲替時有爭襲騷擾者按籍立辨斯方策既明而弊端預杜矣此黔省馭苗根本之圖折衝樽俎之計倘蒙皇上誕敷文德廣示教化使土屬入學習禮得與

科貢士官按籍襲替不致爭土奪職庶乎風俗丕  
變遠邇苗民共沾

王化無疆矣

借發倉米賑饑疏

卞三元

為窮荒無米可買饑民日報逃亡仰體

借發倉米以救餘黎以保巖疆事該臣看得民為  
邦本食為民天國無民不可以成治民無食不可  
以資生今各處申報饑斃甚多望救甚迫若使畏  
難因循視民就死臣於撫民之責謂何臣若敢於  
負民責負

皇上付託一方之盛心也目今饑餓而死者既不能復

生生者又奄奄就斃臣何敢惜撥運之楚糶而下

救新服之窮赤也况救民急於救火若必待請

命而後濟之則京路往返一萬七千餘里必越四五月

皇上之期方奉

俞旨而僅存之餘黎豈能忍饑以久延乎臣聞漢臣汲

黯奉使於外矯詔開倉賑活一方饑民願受專制

之罪實體君心愛民之殷切耳臣以謏劣庸才何

敢妄引古良臣之義而蹈帝恩之愆伏念

皇上之德意去歲大發

帑金賑恤海黔窮民全黔窮黎已沾實惠但窮民甚多  
米價甚貴分給之銀每名不過一兩有餘止可救

旬日之生更有無米可買之處是以饑饉之報接踵而至臣今以艱苦難言之狀刻不容緩之時敢仰體

皇仁借發鎮遠府楚運倉米三千石以救各處殘民生命卽於拜疏之日開倉發賑分遣能幹官員星馳賑荒地方協同道府州縣官沿門查人口多寡酌量給散務期將斃之民保全餘生仰慰

皇上仁愛荒服之至意臣卽受專擅重譴亦不敢辭其給過米數或准作賑荒之例不復收償尤其開銷或止准借給仍令秋收日照數追還伏乞勅下部議覆臣遵奉施行

舖兵工食疏

佟鳳彩

為痛陳私派之源仰祈

睿鑒等事一曰舖兵苦役日費不足查別省舖兵俱有額設工食黔省通雲南孔道崇山峻嶺羽檄交馳晝夜不息每舖兵一名日給米一倉升夫一倉升之米供本役一日之食倘且不足又無閑隙可以別求營生其父母妻子誰為代養是以招募無人肯應勢必勒令百姓輪當一經輪當居近大路者尙可勉應其役若遠居一二百里之外者必致歛銀轉僱倘一歛銀其鄉保頭人借題多派百姓不寧為今之計或念黔中山高箐深舖兵苦役除

日給米一升外再照他省日給工食銀二分庶公務不悞百姓亦免騷擾矣

添設驛遞疏

佟鳳彩

爲黔山萬壑驛路險遠異常馬匹萬難支持謹繪

圖恭請

睿鑒勅部亟爲調劑添設以速軍機以蘇驛困事竊惟天下之苦累者莫過於驛站驛站之險遠最苦者莫甚於黔省夫黔省爲滇南咽喉之地在在皆石山峻嶺上則登天下則履壁上而復下下而復上俗言地無三里平者委無虛謬也夫擡一站勢必足破肩穿馬走一站亦必蹄癩脊爛甚至力不能

勝中途逃斃者徃徃有之且以每驛額馬不過五十匹夫不過一百名每馬日支稻穀不過五倉升草一束每夫日支米不過一倉升銀一分五釐當此滇黔孔道徃來差使如織司驛者徒被叅處究竟無補實用此黔省道路之艱險非臣敢臆說卽當日領兵關黔之諸大臣與夫近日徃來之

欽 左皆身履其地而目擊其苦者也蓋前此之所以勉力支撐者當軍興旁午之時不暇計及於民夫馬雖有官應之名其實協幫於闔省之里甲以致天末民苗耕不能耕織不能織苦累難堪流離日甚但屢奉

嚴綸不許私派百姓於康熙八年七月內臣與督臣再  
回籌酌將百姓協幫驛站者痛加革除止責令司  
驛各官極力應當今已年餘百姓雖稍有起色田  
土漸墾獨驛站去其幫貼實萬難撐持兼之黔省  
今歲馬匹瘟疫更甚倒斃益多臣見在另疏具  
題今除各站坡嶺雖險而道路稍近者不敢妄請外  
如貴陽之東至湖廣則有興隆以至清平驛實有  
九十餘里除無名坡嶺不計外中有鬼門關坡黃  
猴坡小觀音坡大觀音坡落蹬坡皆崇山峻嶺中  
隔一重安江應於重安江設一腰站清平以至平  
越驛實有八十餘里除無名坡嶺不計外中有蠟

梅坡三十三坎坡楊老坡羊場坡三郎坡葛橋坡  
皆艱險異常應於楊老設一腰站平越以至新添  
驛實有一百餘里除無名坡嶺不計外中有五聖  
關坡倒馬坡虎場營坡西陽坡黃絲坡猓獾坡打  
杵坡望城坡皆石如狼牙人足馬蹄無有不傷者  
應於黃絲設一腰站再如貴陽之西至雲南者如  
查城驛以至安南驛實有一百餘里除無名坡嶺  
不計外中有梅子坡黃土坡北極觀坡盤江河盤  
江坡保甸坡哈馬坡高則一望無際深則萬丈有  
餘應於盤江設一腰站安南以至新興站實有九  
十餘里除無名坡嶺不計外中有馬跑泉鳥鳴坡

腊茄坡江西坡泥納坡陡如立壁行似穿雲應於江西坡設一腰站新興以至普安驛實有八十餘里除無名坡嶺不計外中有望城坡羅漢坡爛橋坡鸚哥嘴坡軟橋坡舊普安坡鉉壇坡倒馬坡皆懸崖深澗盤旋崎嶇應於軟橋坡設一腰站以上六站路遠山高馬力愈竭而鞭策愈疾以至壯者傷疾者斃司驛者痛哭無術報倒者幾無虛日若不亟爲調劑必致整頓無期故臣敢以冒昧請設腰站每站照例設馬五十匹馬夫二十五名其六站驛丞倘另議設官不無添官之費查興隆衛見有經歷一員可以移至重安腰站喂馬支應而督

理銷算仍責成興隆衛守備平越衛見有經歷一員可以移至楊老腰站喂馬支應而督理銷算仍責成平越衛守備平越府見有經歷一員可以移至黃絲腰站喂馬支應而督理銷算仍責成平越府知府永寧州見有吏目一員可以移至盤江腰站喂馬支應而督理銷算仍責成永寧知州安南衛見有千總一員可以移至江西坡腰站喂馬支應而督理銷算仍責成安南衛守備普安州見有吏目一員可以移至軟橋腰站喂馬支應而督理銷算仍責成普安知州至於買馬銀兩查有康熙

八年



奏銷驛站節年存剩銀一萬五千餘兩應將此項銀兩動支買馬三百匹六站均分喂馬料穀馬夫食米應於貴州官庄租穀秋糧內通融支給統候年終

奏銷惟是設站之後馬有倒斃例應添補及應用鞍屨脚蹠藥餌棚廠鋤刀以及馬夫工食等銀每年約該一萬一千九十餘兩黔省實無別項可動勢必於他省餘剩驛站銀內照數撥黔協濟庶遐荒民苗之殘苦得以稍蘇而緊急軍機均有攸賴矣臣非不知錢糧匱乏之際偏僻驛站尚在議減議裁猶敢添設糜費但臣身任地方之責目擊其艱

不得不痛陳於

皇上之前也

題禁協夫疏

為恭陳協夫為黔

天語嚴飭永禁事竊臣

黔任事沿途村落凋

初尚未解其故及履

病在兵燹之後協夫繼之也查開黔之初順治十

六年設驛馬匹官養官當每驛設馬夫二十五名

每名月支工食銀六錢米三斗因僱覓乏人前撫

暫令隣近漢土百姓代應養馬彼時大兵雲集餉

害特請

八年五月二十八日抵

苗困憊目擊實所不忍

採輿情細察民隱始知

鞘繁多經畧臣洪承疇

題請給價僱夫擡運緣民人稀少前任撫臣趙廷臣議於相聯僻壤州縣每站派幫夫數十名原期不悞餉鞘不過一時以軍機爲重權宜之意既經題准自康熙元年爲始每站設長夫一百名每名月支工食銀四錢五分米三斗應差所有派幫之夫自應免派不意各官僱募不力仍照前派幫濫用相沿年久竟爲成例以致民苗不得耕種躲逃廢業米價騰貴村落荒殘民窮不堪臣訪得實會同撫臣佟鳳彩已於康熙八年七月二十日痛革轉飭各驛站一遵定例募僱長夫遞運餉鞘其濫索

等弊概行釐革從此民苗始得休息力事耕耘田地漸闢去年米價減至一錢二三分一斗較臣抵任時每斗二錢五六分已賤一倍各處荒村漸次構茅結屋已有起色明驗誠恐將來不肖官弁巧生機變漸萌釁端協夫復舉則黔民復受其害伏乞

天語嚴飭方可永除沿習積弊民生幸甚庶無負皇上加惠元元之意也

請預撥黔省協餉疏

慕天顏

爲黔餉支給愆期請

恩通融撥濟以恤邊兵事竊照營制兵馬餉乾銀兩按

月給發以資飽騰此定例也士不宿飽而期其戮力用命惡可得哉是以壓欠兵餉定有處分嚴例况在邊方尤當加意恤養士卒庶幾緩急可恃臣一洩貴州卽稽查各營兵餉往年從未有逐月給散者必俟季終方行彙發而春秋兩季又必俟夏冬始有應濟蓋因黔省司庫原無積儲必待別省協餉解到隨收隨放查協餉定例四月完半九月完半彼省遵限於四九月終起解則到黔之日雖隣近如楚省亦在六月十一月矣若程途稍遠則又逾限一兩月邊地窮兵嗷嗷待哺卽不能望於月初預給月餉資養家口乃役過一月仍不得領無不典鬻衣裳多方揭借及至半年領餉到手償利贖當焉能敷用且有決守荒瘠苗蠻之處典貸無門豈能免人枵腹報變報逃乎臣展轉籌畫欲責之司餉之官奈黔省本地應費條丁銀兩僅供歲額俸工驛站別無存剩餘帑可以設措臣叨任封疆不得不請乞我

皇上天恩通計黔省歲需兵餉不遺五十萬兩一季該銀十二萬有奇若將每年春季餉銀預撥於上年之秋冬協解於隣省限定歲終到黔則正二三月可以按月支放從此夏季之餉卽可候四月完半之協餉接濟源源相繼自無與矣之呼此預撥一

季餉銀原屬經制額內應給之數不過早撥於數月前况止行先撥一次嗣後仍照歲額撥解更不必逐年瑣陳也恭祈我

皇上俯鑒遐荒實無轉移之粟窮卒守候協餉苦累難

堪

特賜於允准於康熙二十五年為始將二十六年春季餉乾一併撥解俟二十六年造報經制餉冊即以夏季為首速接次年春季請撥著為黔餉定例仍責成司餉官每至月終如數給足不得逾期並嚴查尅減之弊則營兵頂戴

天恩効命於邊防必加鼓舞而散餉給領亦可按季達部通融於一歲額內之需而永免三軍脫巾之慮矣

題覆鹽價疏

慕天顏

為酌定鹽法事該臣看得黔省普安等處先經行令改食滇鹽准雲南撫臣王繼文咨議每百觔定價四兩六錢臣經據疏請部覆價值太昂恐致累民行臣會同川撫查明川鹽時價具

題再議遵行貴州布政司並咨四川撫臣先准雲南撫臣王繼文咨稱滇省黑井課重在井鹽每觔已辦納課銀一分六釐加以煎煮運工本脚費前定每百觔賣價四兩六錢委無浮冒今再減銀

三錢止定四兩三錢以遵部駁等因准川撫臣姚  
締虞咨覆川省燉造之鹽本地市價每觔止價銀  
一分五釐若運販至黔需用挑負脚價應值若干  
當聽在黔酌議等因據貴州布政使柯鼎韓行普  
安安南各州縣備查訪市價則稱近日川鹽每觔  
止賣三分及二分四釐以至四分不等銷長不一  
原係因地隨時從不定價若滇鹽定價四兩三錢  
恐窮荒苗民不能舍賤食貴莫若仍食川鹽以從  
民便詳請前來臣查川鹽價值產土工本甚賤故  
運販至黔每觔止賣三四分不等商民均稱便益  
若滇鹽之價與產土工本已貴前議每百觔四兩六

錢乃將工本脚價逐項確核所定原無浮冒今卽  
勉遵核減定以四兩三錢亦與川價較浮仍難強  
民舍賤食貴若欲將滇鹽做照川值減價賤售則  
又虧損商本兩者均爲未便察詢在例普安等處  
原食川鹽其改行滇鹽乃從滇商之請雖有便於  
滇課然將來川課一虧此盈彼縮仍無補於公家  
况普安一帶皆荒瘠苗蠻食鹽爲民間日用必需  
豈堪重價抑勒誠如部覆價值太昂必致累民也  
臣再四思維莫若悉遵舊制仍食川鹽不必定價  
聽從商民隨便貿易於以軫恤荒殘利賴非淺矣  
改設州縣疏

范承勳

爲查議冗員以培民力事該臣看得滇黔衛所併歸臣仰體

皇上愛民至意悉心籌畫從議汰冗員甦息軍民起見到任後卽檄行二省藩臬會同妥議通詳除滇省各衛所已經臣議裁具

題在案據貴州布政使何鼎會同按察使李之粹公詳復批令再加確議茲據詳稱查黔省衛所康熙十一年間已將清平等五衛改縣安莊衛改州現今尙存十五衛十所其間有專城者有與府州同城者有與州縣犬牙相錯者軍丁耕田納糧與民無異所當分晰裁併改設如偏橋衛在鎮遠一府

兩縣之間查施秉縣民糧稀少應將偏橋衛裁併施秉縣仍屬鎮遠府管轄裁去守備一員至施秉縣原未設學裁去衛教授一員改設縣訓導一員舊衛地方應設偏橋驛驛丞一員管理驛務興隆衛地錯黃平應將興隆衛裁併黃平州移州於衛治管理驛站仍屬平越府管轄裁去守備一員經歷一員其原設興偏營改爲黃施營營制照舊至黃平州學原兼餘慶甕安二縣學今州治旣移興隆裁去教授一員以州學正移駐衛治於甕安縣另設訓導一員兼攝餘慶縣學務新添衛附近貴定縣田賦無多應將新添衛裁併貴定縣移縣於

衛治管理驛站仍屬貴陽府管轄裁去守備千總  
經歷各一員查貴定縣原與龍里縣合學今裁去  
衛教授一員改設縣訓導一員貴州貴前二衛同  
附會城應裁改爲一縣恐兩縣地方差徭不均將  
附近新貴縣量行割附應名貴筑縣亦屬貴陽府  
管轄至兩衛原未設學應無庸議裁去守備千總  
各二員經歷一員改設知縣典史各一員此貴東  
各衛之當裁併改設者也如鎮西威清二衛壤地  
相接應共設一縣而以赫聲威武二所附之縣治  
駐於威清管理驛站應名爲清鎮縣裁去守備千  
總經歷守禦所千總各二員改設知縣典史各一

員查鎮西衛原附安順府學今二衛改設一縣裁  
去威清衛教授一員改設縣訓導一員平壩衛路  
當孔道管理驛站應改設一縣卽名安平縣以附  
近之柔遠所附之裁去守備千總經歷守禦所千  
總各一員改設知縣典史各一員裁去教授一員  
改設訓導一員安南衛亦在大道管理驛站應改  
爲一縣卽名安南縣裁去守備千總各一員改設  
知縣典史各一員裁去教授一員改設訓導一員  
其附近普定縣之定南所裁併普定縣附近南籠  
廳之安籠所裁併南籠廳管轄裁去守禦所千總  
二員至普安州同城之普安衛應裁併歸州裁去

守備千總經歷各一員仍俱屬安順府管轄但普安設有兩站州官僅可管理在城驛務吏目又有佐理巡捕之責其亦資孔一驛應設驛丞一員管理此貴西衛所之營裁併改設者也又會城西北之敷勇衛應改設一縣而以修文濯靈息烽於襄四所附之卽各修文縣仍駐衛治亦屬貴陽府管轄裁去守備經歷各一員守禦所千總四員改設知縣典史各一員裁去衛教授一員改設訓導一員又永寧衛係川黔襟喉要地應改爲一縣而以普市所附之卽台永寧縣裁去守備經歷守禦所千總各一員改設知縣典史各一員裁去教授一

員改設訓導一員畢節衛無州縣可歸亦應改爲一縣而以赤水衛附之卽名畢節縣裁去守備二員經歷二員千總一員改設知縣典史各一員裁去教授二員改設訓導一員二縣俱屬大定府管轄至威寧府同城之烏撒衛應裁衛歸府裁去守備千總各一員及衛教授一員併歸府教授此西北衛所之當裁併改設者也再查衛所既裁都司一官無所事事亦應裁去武關事務卽令藩司料理操捕都司一官亦應裁去製辦火藥應照他省例責令城守營管理其都司經歷并應裁去以上共應裁去都司一員操捕都司一員都司經歷一



員衛守備一十五員衛千總一十員守禦所千總一十員衛經歷一十一員衛教授一十一員俱各咨部改補共應設教諭七員典史七員訓導七員驛丞二員應請酌量裁缺銓補再查各府有稱軍民者今既概編爲民則軍民字樣亦應裁去等因前來臣覆加籌酌似宜裁併改設以昭畫一以垂經久通計議裁各官共六十員議設官共二十三員稍減經費以紓物力或亦省官省事之一助也至有各衛所田土人民跨入他境應查坐落附近州縣酌量歸併及新設之縣幅員太廣應查近隣州縣糧額多寡酌量割附咨臣行令該司逐一查明分晰另冊報部外臣謹會同給事中曹以訓等題

請建學疏  
爲

聖治普洽寰區敬請修舉學制以隆文教事竊惟全黔邊徼遐陬民苗雜居禮讓未興剽悍成習我皇上道隆德盛典崇儒文明光被而芹藻之子均沾教化秀頌之民咸沐恩澤罔已彬彬稱盛矣臣忝任撫黔以敦崇學校爲先蓋學校之關係乃風俗人心之根本禮明樂備者猶將踵事增華簡畧因循者曷可不乘時興舉按永寧獨山麻哈三州貴

貴州通志  
筑普定平越都勻鎮遠安化龍泉銅仁永從九縣  
尚俱未設學校據該士子紛紛呈稟荒寒之士勵  
志芸窗登進無自臣等司道諸臣等議建學育才  
似不可緩凡一切庀材鳩工未敢仰需公帑而  
題額芹堂  
御書首重前奉頒賜尚餘八幅理合額懇  
睿慈一視同仁

勅部再頒四幅以便製匾恭懸至於額進童生查貴筑  
爲省會附郭之縣謹擬照大學考取十五名餘則  
概照小學考取八名武生貢廩一循定例而行董  
率職官貴筑應請部選訓導一員餘俱暫以附近

教職兼攝俟人文寢廣另議專官又按新添鎮西  
興隆烏撒赤水五學近因裁衛歸併貴定清鎮黃  
平威寧畢節五學矣夫合兩地之人才限一庠之  
定額爲數較窄生童進取未免滯淹以故連名訴  
陳迄無止息臣思五衛舊學

御匾輝煌

先師之所式憑諸生之所景附何可輕言汰併自應照  
舊存畱卽以貴定等五學教官董率之此確有直  
隸延慶懷來之近例可援凡此者或畱舊學於旣  
裁或議新庠於初創臣非敢過瀆

宸聰實以黔省窮荒固陋必崇文治而後可以正人心

變風俗非如他省化行俗美者比合應仰顙

聖化之隆仁義漸摩馴致士風之厚彼蠢爾有苗當無  
俟七旬而咸格矣再照平溪清浪二衛學歷係黔  
屬思州府提調應試貴陽不過五百餘里前因用  
兵之際將驛站改隸楚南而學校隨之諸生應試  
東下武昌迢遞川塗不下二千五六百里資斧旣  
艱而鼓柁洞庭駭浪驚濤士心恒多畏阻臣赴任  
時身過其地同聲呼籲云兩科以來從無一士能  
赴武昌應試者情殊可憫應請復還黔屬就近提  
調之制以示作養緣統係學制事情用敢類列陳  
情

題貴州會試分卷事例疏

王承祐

爲禮闈中卷久偏遠省向隅堪憫仰乞

勅部酌議均平以鼓遠人以廣

皇恩事竊惟國家取士三年大比於鄉旣又合直省十

五國人文會試於禮闈蓋以人才之生何地蔑有

而搜羅所至必使無遠弗及是以人人鼓舞爭自

濯磨莫不思奮於堯天舜日之世也乃臣昨監試

禮闈事竣公同拆卷及唱名填榜而廣西雲南貴

州三省竟無一人獲售臣不勝駭異夫此三省之

中豈盡乏才考諸往志間有名臣卽我

朝開科以來亦多與選則非無才可知而每一榜發

中式寥寥所以不及他省者實因中卷之偏枯與  
道途遙遠之所致臣黔人也備悉艱苦謹一一爲  
我

皇上陳之查前明取士初以五方風氣不同人才長短  
各異而分南北又以數省僻處遐陬聲教不易遍  
暨而分中卷亦體恤遠人之意也第可異者中卷  
既爲遠省而設則四川廣西雲南貴州誠爲遠矣  
何獨於江南之安廬鳳滁和徐等州郡而亦爲遠  
乎蘇松常鎮等府州縣既皆入南卷矣何獨於安  
廬等州郡而又入中卷乎推前明初意不過爲洪  
武發祥鳳陽思於士子加厚故俾入中卷易於入

穀亦漢高優豐沛光武復南陽之遺意耳柘得白  
久遂沿爲例是南卷之中兩倍於北而中卷之數  
又半讓於南此亦人情之不得其平者矣且滇黔  
粵蜀遠居天末近者數千里遠者將萬里每遇公  
車之年貧窮居多艱於資斧區畫借貸不遺餘力  
此在家起行之難也及其在途馳騁驛路跋涉間  
關經歷三月辛苦備嘗此道路之難也及其抵京  
隻身孤影僕從無人一切薪水俱行自給此旅寓  
之難也更苦拮据奔赴喘息靡寧席不暇煖而場  
期已及尙焉能溫習揣摩如各近省士子優游暇  
逸止專一意讀書哉且舊例中卷取中十六名後

因合南北中卷較卷幾卷而取一名是以此科止  
中八名八名之中又苦分經詩取三卷易書各二  
卷春秋禮記各一卷額數一足雖美弗收夫勞逸  
之情形既甚懸絕而多寡之數又甚不侔無怪乎  
他省之取青紫易如拾芥而此數省之望科名難  
若登天也臣思聲教四訖雖海澨山陬尚思望恩  
於選造而此數省竟不能奮步於雲衢揆之一視  
同仁之

宸衷諒有惻然不忍者也臣請  
勅部酌議大沛

恩將安廬滁和等州郡應入南卷者仍歸南卷其中

卷或額定四川幾名粵西幾名雲南貴州幾名不  
與南北一同較卷數目不必分經就文取錄如此  
則額數不致偏枯士子不獨向隅遠人咸慶登進  
之有階而遐方共沐

皇仁於無既矣

官庄悉歸有司疏

閻興邦

爲恭報官庄悉歸有司事該臣看得貴州提督衙  
門舉出官庄一案經原任撫臣衛旣齊將田地人  
丁造冊

題報嗣准部駁令再嚴行查明及將隱匿官員一並  
查叅等因遵卽檄行嚴查臣於二月抵任催據布

政使董安國呈詳前來復嚴批查明增報並取隱匿各官職名去後今據該司詳稱前項官庄田地人丁向因叛逆李本深占踞爲庄收租牧馬相沿至今其間有與民均分籽粒者有給牛種而全收其租者亦有十分收其六七者悉屬苛歛之項並非按畝照則陞科維正之供故料穀有一千三百餘石小民剥膚以應苦累已久今旣歸有司丈明自應照各府州縣則例起科所以不符原額之數各屬業經兩次清查丈編實止成熟田一千五百二十畝零人丁三十四丁共該起徵米二百八十一石零銀四十六兩六錢零並無隱匿今遵嚴駁

於無可如何之中勉議將所丈成熟之田照提臣所報料穀折米另立科則起徵以符原數豁除隨糧起徵條馬歲用銀兩等因臣查故提臣陳奇舉出安順等處官庄田地所收料穀原非按畝照例徵輸今若不符原數無田可增勢必如該司所議另立科則起徵竊恐田少糧多民苗俯仰不給仍行苦累有負

呈上懷柔德意仰懇

呈仁垂憐邊末地瘠民貧

元照前次丈編田丁按畝按則一例徵輸庶無輕重異同苗民俱免向隅之泣咸戴輕徭薄賦之恩於無

涯矣

併縣專治仍添通判疏

閻興邦

爲省城壤地褊小詳請併縣專治仍添設府判一員以資委任事該臣看得各省會城多有兩縣並設者蓋因地方遼廓事務殷繁必得分治而後克濟非徒取其備官已也然臣承乏河南省會附郭止有祥符一縣卽今隣省雲南亦止昆明一縣附郭維黔省叢爾會城度其規模不敵腹省一大州縣乃獨設有附郭新貴貴筑兩縣雖徵收地丁承辦驛站似亦各有職掌並行而不相礙然此外如編甲捕盜通行案緝等件奉文轉發不得不兩縣

互行往往朝奉

多承筑緝一事而受兩番之

約束恒多未便於民若在地廣人稠之會控制難周利於左右分任如此彈丸山城寥寥烟戶不但平居備員無益一遇地方公務每以勢逼權分此推彼委反滋貽誤臣愚以爲存並設之虛名不若收專屬之實效也合無裁去新貴縣歸併貴筑縣治舉凡民苗之訟牒賦役之審編大馬之派撥盜賊之詰捕統歸一縣管轄該縣旣得專心志以循其官守小民亦得安任使而樂其均平政體人情俱爲妥便其新貴縣學亦應改爲貴筑縣學補廩出貢悉照縣定例行其文武童生仍照兩縣舊額

併案考取則雖裁併縣分而於學校無異仍舊貫矣至於通省十一府止有同知通判三員其同知一員在省尙承審捕緝而無暇其安籠通判一員專轄十八寨之田賦苗徠不可少離止有威寧通判一員遠在威寧查同知通判之員居恒無事視若閒員遇有州縣員缺便爲委署兼攝所必需况黔處萬山之中羊腸鳥道各爲一站險實于盤各屬程途相隔計二三日四五日不等一遇缺官隨近州縣設在衝衝者既難舍已而鬆人其偏僻之區窮谷深箐苗蠻出沒刻難辦之員又豈能長駕遠馭遙制鞭腹莫及之處合無於貴陽首府仍設通

判一員遇有差使委任可以朝遣夕行無論衝僻州縣缺出皆堪委令署理該員原無專司之責一經委署則該地方糧驛等務自可悉心料理而無分身兼顧之虞實於吏治有裨夫裁縣而添設通判其縣之衙署通判可駐不煩改作其俸工等項亦有新貴縣令典史二員裁費相當無庸增設抑臣更有請者兩司首領佐貳等員停其署理州縣印務自應恪遵定例何敢異議但陞遷職官交代例有嚴限不便稽遲系黔省遠在天末銓補之員類多相距數十里外頗憑之後縱令逾限星馳保無江河阻滯疾病侵凌急切不能速到礙難懸待



除異途出身者遵例停委外其各項百領佐貳等員內有旗員並正途出身者循分稱職原應陞授正印似於委署無礙若果才守頗優醇謹自愛可否破格委署以全公務敢因一得之愚合諸司道偕議請裁請設而併及之我

皇上嘉惠遐方善政備舉臣於恪遵成憲之中謬抒所見臣謹會

題

請廣中額疏

閩興邦

為同文之教澤已久遐方之人才漸盛懇請

題增鄉試中額以振文風

南邊地曩昔人文原自寥寥邇來我

皇上右文之化普洽寰區微臣仰體

聖德加意作人家絃戶誦實與往昔不同但黔粵兩省

俱稱邊服禮闈既同由右而鄉試中額多寡有差

是以紳衿潘驤等有懇祈具

題與廣西鄉試中式三十名之請但科舉增額事關

大典臣批布政司移會提學道查議今據布政使丹達

禮提學道僉事林麟詳稱黔南雖屬遐荒迄今

人文繁盛甲戌會試廣西止中一名貴州中至三

名以此較之貴州人文盛於廣西可知似應照廣

西之例增額取中詳詳具

題前來臣伏念全黔邊陲儒士彬彬詩書陶淑莫非  
 聖化之隆增額掄才必收待人之效甲戌禮闈三名得  
 第足徵菁莪化洽黔疆俊彥卓冠西粵似可仰邀  
 聖恩一視同仁俯照廣西解額取中三十名將仕進之  
 途既寬誦讀之士愈多邊地文風日益振興矣  
 請表精忠以隆祀典

閩興邦

為請表精忠以光禮祀以昭國典事該臣看得舍  
 生取義臣節克勵乎艱危殺身成仁公論共彰乎  
 激烈原任總督臣甘文焜者濳溪江上父子北面  
 以全忠厚任將軍臣士之鼎者永寧城下孤軍穴  
 陷而完節慷慨一時流芳百世屢沐

聖主加銜錫謚之恩至殷輿情建祠致祭之請之據黔  
 屬紳士人等請照閩省督臣范承謨等之事例於  
 殉難之地聿新廟貌永垂俎豆昭示旂常等情籲  
 懇前來臣批司道議覆衆論僉同如出一口所當  
 援例

題請建祠致祭以彰我

皇上褒顯忠貞之盛典以慰幽魂於奕世者也

預撥貴州兵餉疏

王繼文

為仰懇

皇仁俯念荒疆窮兵再賜預撥并准季首掛餉俾得按  
 時接濟專竊照黔省山高土瘠夷多漢少比他省

爲最苦。營兵丁晝夜防戍，保固地方，專盼月餉。按時散給，歲終餉口因撥解餉銀到黔。惟春季預撥銀十萬兩，可以季首關支。夏季之餉，他省於四月半完之後始解。遲至六月終方到。秋冬二季之餉，他省於九月全完之後始解。遲至十二月終方到。迨布政司移令季員赴省領支，未免又需時日。各兵俱屬赤貧，且祇兵名下尚有家口，旣無可耕之田，又無可營之業，望餉不到，枵腹難支，勢不得不重利揭債。及至領餉盡還他處，禁之則兵無所藉，不禁則法實難貸。欲遏其流，必清其源。此預撥夏季兵餉之請。無臣聞與邦所，以兩疏入。

告而臣受事之後亦經

題請部議均未覆准。臣深悉情形，不敢卽爲緘默上負。

皇上愛恤士卒之至意也。卽如上年地丁錢糧叨蒙

聖恩蠲免秋收尚未成災而黔地米有限一時米價

騰貴兵丁等稱糶食臣嚴禁其糶查挈積囤并示

有米之家乘時發糶兼飭兵丁不許邀商攔買米

價方漸平復兵丁不致困苦緣黔省在在深山

舟車所不能到設餉銀愆期口兵若不重利求借

則債主難覓較諸他省民間何無尚可相通者實

屬懸殊在部議因此省協餉亦本年地丁銀內解

送而四川雲南亦止預發一季故未議佳耳第撥給協餉原屬大省在彼省藩庫有銀可動而貴州省分尤小又與四川雲南不同臣節制兩省不將雲南夏季兵餉預期邀撥獨將貴州夏季兵餉再疏

題請實有見於貴州兵丁受苦不敢不為籲陳也相應仰體

皇恩恭疏

題請得蒙將貴州餉銀添撥十萬兩預於頭年冬月解黔奏放春夏二季之餉俟他省四月完半餉銀解黔奏放秋冬二季之餉四季皆得照依秦省之

例季首關支則

國帑原無少損軍措實有裨益士卒頂額無極邊方不無小補矣

普安等處仍食川鹽疏

王繼文

為黔黎食貴難堪三省攤賠無着

恩減免以甦積困事竊照黔省普安等處改食川鹽滇省作何酌議一案前准部咨隨行布政司驛鹽道會議詳報去後茲准據該司道詳稱黔省既以改食川鹽為定論在滇省何能強之仍食滇鹽且即將滇省課稅嚴加核減以滇鹽較諸川鹽到黔所賣三兩殊屬懸殊喜賤惡貴係一定之民情應請

准照黔省之議

題達惟是滇省額徵課銀五千七百六十兩稅銀二

百二十五兩請於全書內酌除等因詳請具

題前來相應據詳咨覆准此又據雲南布政使于三

賢驛鹽道劉使于福昌會詳亦同前由到臣該臣

會看得黔省普安等處改食滇鹽課重稅繁民苗

困苦經前任督臣范承勳

題請減免部議不准奉

這事情着將舊欠銀一萬九千餘兩免令賠補其普

安等處應作何行鹽四川雲南貴州總督巡撫會同

議奏欽此仰見我

皇上如天之仁如日之明不特為邊末窮黎計一時之

生全直欲享萬年之樂利漢夷商竈莫不頂頌

皇恩歡呼踴躍誠亘古所未有者也臣接准部咨當咨

三省督撫并行雲貴司道從長妥議去後隨准雲

南撫臣咨據司道會詳行據該商張貴等稱係普

安等處崇山峻嶺夷民零星散處窮苦難買年歷

一年作何底止且天下課稅莫重於此計每鹽百

觔滇課一兩六錢稅銀六分二釐五毫曲靖府稅

銀一釐四毫薪銀九錢腳價銀一兩七錢八分卽

使賣銀四兩三錢尙屬不敷再加黔稅銀三錢更

無從出滇商苦於遠運黔民苦於價貴移請酌免

又准貴州撫臣咨據司道會詳行據士民陸璉等稱係普安等處四面環苗每年耕作除納正供之外所餘穀米不足以活家口川鹽不拘餉數零星可買而滇鹽必須整塊川鹽不拘米布皆可易換而滇鹽必須紋銀川鹽價賤每觔不及三分而滇鹽價重溢於四分三釐之外難受派銷之苦今幸皇恩再生有機議令仍食川鹽川省照依舊例增水引七十二張增課銀二百四十五兩一錢黔省照部頒全書所開歲徵鹽稅銀八十四兩二錢五分零遇閏加銀七兩二分零滇省既不行鹽則額徵課稅照數請豁又准四川督撫咨據司道會詳事

關三省若欲軫念黔黎必致有虧滇課此豐彼嗇勢難兩全權其損益惟在雲貴督撫如仍食滇鹽是與川省無異如改食川鹽惟有恪遵川例庶於黔民有濟移請定議具

題各等因移臣臣愚改食川鹽課稅實有所虧以量減滇額仍食滇鹽移行雲貴兩省再加確議覆准貴州撫臣咨稱普安等處叢爾殘區蒙

皇上薄賦軫恤合計額編地丁銀止有三千一百餘兩今行鹽售價即日減萬觔每歲尚須課稅薪脚等項銀一萬餘兩是較正供竟浮兩倍有餘窮黎萬萬不能取盈此額况自改食滇鹽以來歲增滇課

何曾完解在滇在川竄緝雖殊而在國家必不惜此無徵虛額坐貽邊黎永累仍應改食川鹽豁除滇課以順輿情又准雲南撫臣咨稱司道會詳卽將滇省課稅嚴加核減較諸川省所買甚屬懸殊應照黔省之議將滇省額徵課稅銀兩請於全書豁除等因咨覆前來臣查滇鹽課稅較諸川鹽課稅相去二十餘倍黔省普安等處遠在萬山之中民苗野處日給艱難以黑井最貴之鹽行於該處最窮之地不特民苗告苦卽商竈亦受賠累此等情形久在

上層照之中故令食川鹽卽交相稱慶令食滇鹽卽環庭泣訴一聞奉

旨旨議咸稱千載一時是改食川鹽之議臣等衆論同矣但便民勢必虧課川省久有課額該省惟循成案已司食一鹽似難二視滇省旣不行鹽課稅無從徵收臣等反覆酌議若仍食滇鹽則於輿情有拂卽或量減滇額而合計課稅薪脚銀尙浮普安等處地正正供數倍

皇上蠲賦輕徭節年以來不下銀錢萬萬何敢不仰體愛民至意以睦邊黎積困相應稟遵

恩旨議將普安等處改食川鹽川省照依課例歲增課銀二百四十五兩一錢零黔省照依部頒全書所

載歲增說銀八十四兩零遇閏加增銀七兩二分  
零滇省無着鹽課稅照數豁免倘蒙俯順民情出  
自

皇上浩蕩洪仁非臣等所敢妄邀者也

請添設學校以弘教化疏

王燕

爲添設學校以弘教化以廣

皇仁事該臣看得振興文教樂育人材乃致治之盛事  
我

皇上親幸闕里鼎新

聖殿重道崇儒諸鉅典度越百王光昭千古所以溥海

內外一道同風無不沐浴咏歌於聲各文物之內

黔

廣

寥

宮者有有學無官而附試他庫者無學宮則不獲

觀俎豆罄容之盛而陶淑無由附試他庫則不免

跋涉險阻之勞而單寒致阻臣愚以爲大化翔治

之時不可不具備其制也况合

國家武功赫濯文教誕敷無遠弗届黔地民苗雜處

加以鼓舞作興則士氣既奮而蠻夷亦得觀感於

絃誦詩書以柔其犷悍之心誠漸被遐荒之要道

也臣洩任後蒙恩賞生員周文侯等具呈請將未



設學之州縣衙及有學無官一而附試他序者援例  
 學道僉事小景超會詳覆請援滇省和曲祿勸等  
 州縣建學設官之例添設等因前來臣覆加查核  
 應將附學之清浪衛設教授一員又附學之開州  
 廣順州并未設學之永寧獨山麻哈三州各設學  
 正一員又附學之普安餘慶安化三縣并未設學  
 之普定平越都勻鎮遠銅仁龍泉永從七縣各設  
 訓導一員進取文武童生照小學例每學考取八  
 名廩貢循例遵行庶附學之生童免裹糧跋涉之  
 苦無學之州縣有節儒肄業之地至原未有學宮

之州縣則公同捐資建設其官役俸工照全書額  
 編支給用冊報銷之此全黔士子愈感

恩賜

聖主

勸民開墾荒田疏

王 燕

為勸民開墾荒田力勸稼穡事該臣看侍禮教為  
 崇厚之要耕桑乃生聚之源益農工樂業自然保  
 清身家衣食充餘尤易設循仁義我

皇上治隆三代道冠百王時頒教稼之文屢下蠲租之

聖主 詔豐功備德 魏煥難名 臣蒙格外

天恩 拔置撫黔重任 朝夕慮 九地方政事 務實力

舉行以仰副

聖天子民桑遠之

尚有十分之四之多而日整

復不少餘

民苗

報寥寥

四五

重懸

道通行

會同

畝均

難抵內地膏腴田產三分之一開墾山田人工牛

種又倍於他省迨四五年後始有些少收穫不

人工牛種之費六年成熟起科除辦賦外僅足

本年播種之口從前墾荒工本終無所取償是以

賦重之田多解於開墾除輕則荒田不議外其重

則荒田若蒙

題請將每畝徵銀一錢一分至銀一錢五分徵米一

斗一升至米一斗五升或銀米並徵約算相同者

請減徵銀一錢或米一斗徵銀一錢六分至二錢

徵米一斗六升至二斗者請減三分之一徵銀二

錢徵米二斗以上者請減一半則民苗踴躍開墾

矣等因前來臣愚以爲此等荒田與其久拋地利不若量減科則勸民開墾伏祈

皇上宏恩嗣後貴州荒田開墾准照減則循例六年徵賦厚其羨餘使開荒工費咸足取贖將見窮簷婦子聞

聖主加惠至仁未有不鼓舞爭先備辦牛種肆力開墾者此後不獨荒田漸可成熟而苗民衣食有賴則井里相守安身樂業被之禮教俗臻淳美尤易事耳一通變間而羣黎戴

教養之恩邊徼享盈寧之福經國裕民之道實兩得也國家經費浩繁臣何敢輕言減賦但臣今日所請者

乃現在荒田無徵之賦如減重就輕似可使無徵之額爲有徵之賦且我

皇上爲貴州一省保衛民苗歲費兵餉撥內地錢糧協濟者幾四十萬兩仰維

聖主愛養羣黎至深至厚臣謬膺委任豈容緘默故敢上體

聖心冒昧陳請

苗蠻劫擄處分當因地制宜疏 王 燕

爲苗蠻劫擄處分當因地制宜仰額酌定以勵職守以靖盜源事該臣看得文武各官之處分原有定之章程似無容再爲置議前據貴陽等各府

廳會詳黔省文武官弁近因尅苗劫擄之案部覆俱照野賊苗蠻擾害之例議處以致革職降調而去任者接踵全黔多係熟苗原與漢民無異嗣後遇有爲盜者文武各官請照漢民爲盜之常例議處限年緝賊庶盜息民安等情隨批司會議通詳去後茲據按察使何顯祖會同布政使司貴東貴西二道詳稱應如該府廳所請議覆前來臣查全黔各府所屬漢少苗多且皆納糧當差與漢民之井里相連室廬錯處抑且日中爲市彼此交易實與漢人無殊原非未歸聲教之野苗可比亦與無管之生苗潛入內地行劫者不同今若因其爲盜

劫掠將以管苗汛兼轄各官卽革職降調離任本案賊犯接緝官員未免以非其任內之事不實力緝拏弁有不肖官弁一遇苗人爲盜慮於降革處分卽互相隱諱縱賊不究是例從嚴而盜愈熾矣嗣後除無土官管轄之野苗爲盜仍照例議處外其有土官管轄之熟苗爲盜劫擄地方文武官請照漢民爲盜之常例議處限年緝賊則該管文武知不卽罹降革必不敢隱諱以自取重究亦斷不肯以已任內之盜犯不實力嚴拏以自干限滿降革將見例從寬而緝捕嚴盜風息而民生安矣請定兵糧本折規則疏

于準

爲邊陲兵糧綦重請定本折規則以杜紛更兵民  
攸賴事該臣看得黔省徵收本色秋糧原供本省  
官兵月米惟因各屬徵收糧石有多寡不一而官  
兵汎防亦有衝僻不同如有州縣徵糧多者而官  
就地支領不得不哀多益寡酌其附近之地撥給  
無奈貴州跬步皆山最近者亦相隔一二三站不  
等既無船隻又無車輛若令官兵赴領則此月米  
不敷往返盤費之需如令百姓運送則此項腳價  
又無所從出先經督撫諸臣議將應撥秋糧折徵  
價值解給官兵自行採買等因荷蒙

俞旨欽遵在案然各處米價原有低昂不等如各州縣  
解給米價較之各鎮營汎地價值稍有不敷每致  
紛紛具呈請增不休臣不揣愚陋謬議管見請將  
各鎮營不敷米石竟行撥定州縣徵解永爲定例  
每年於秋收之時行令應撥應領之鎮營州縣各  
將時值米價逐一訪確詳報檄令藩司糧道折衷  
畫一定價議詳臣等具疏

題明飭令各州縣照依所定價值照數徵解以杜徵  
多解少之弊庶小民得以遵守輸將而邊方士卒  
亦永賴以飽騰矣

請展徵收以舒民力疏

于准

爲請展徵收以舒民力以廣

皇仁事該臣看得貴州地方遠處邊末盡屬崇山峻嶺  
凡有田地非在高阜岩隙卽係溪畔低窪不樹桑  
麻旣無絮布之餘利不通舟楫又乏經營之出息  
一切正供惟藉耕種輸將較之腹裡地方大相懸  
殊我

皇上軫念邊黎無微不燭俯准前撫臣楊雍建

題明地丁銀米定於九月開徵以舒民力等因欽遵  
在案惟是各官考成仍同直省一例概以歲內全  
完始准紀叙臣查直省錢糧以二月開徵計至歲  
終則有十月之久而黔省錢糧以九月開徵計至

歲終僅止四月爲期甚促誠恐州縣各官考成心  
切徵比急迫小民勢必賤售新穀依期完納則餘  
蓄無多必致開口艱難臣不揣愚昧仰請

聖恩將貴州徵收錢糧考成俯准寬限三月自本年九  
月開徵起至次年三月爲止如三月內銀米全完  
者一體准其紀叙如三月內不能全完者照例處  
分庶邊末微員咸叨

皇恩之浩蕩卽遐荒黎赤亦仰沐寬大之福於無窮矣

苗民久入版圖請開上進之途疏 于 準  
爲苗民久入版圖苗族宜沾

聖化請開上進之途以 文教以變苗俗事竊惟貴州

地方古號羅施遍處皆苗種類頗繁要皆好鬪嗜殺越先王禮義之教尙強凌衆暴之風粵稽往古沿置不一分隸各省不過羈縻而已迨至明季始設布按一司定爲貴州省然亦郡縣少而衛所多武弁不能宣化惟在示威以故迄數百年習俗仍未變化自我

朝平水西改衛所設立郡縣建置學校

教覃敷遐荒天末莫不仰沾德化惟獨苗民未沐鈞陶伏念六合蒼生盡屬赤子何分苗漢豈有已入版圖之苗民而忍令棄之化外耶官斯土者視苗如草芥居斯地者擯苗爲異類既不鼓舞又無教

習卽問言一二苗民

官之例不准考試科舉遂使若輩沉淪黑海罔見夫日然教化無不可施之地風俗無不可移之鄉今貴州苗民輸糧貢賦與漢民連井而居彼此交易原非不通聲教之野苗可比臣愚以爲應將土司族屬人等并選苗民之俊秀者使之入學肄業一體科舉一體稟貢以觀

上國威儀俾其漸摩盡教重困性情變化其醜類彰我朝一統車書之盛則此遷取之法必須酌定規制令各府州縣置立寬嚴公所一處以爲義學將土司承襲子弟送學肄業習曉禮義以俟襲替其餘族屬

人等并苗民之俊秀子弟願入學者令入義學肄業其教習塾師不必另設卽令各府州縣復設訓導躬親教諭俟有文理明通者照依湖廣學臣潘宗洛所題不論土司族屬苗民卽由該訓導造冊呈送學臣考試漢民生童不許阻抑卷面不許分別苗漢取進之額亦不必加增惟以衡文爲去取一體科舉一例廩貢將見漢民因有苗民之進取益加奮勵苗民以有一體科舉之優渥莫不鼓舞行之旣久苗民漸可變而爲漢苗俗漸可化而爲淳邊末遐荒之地盡變爲中原文物之邦矣倘果人文蔚起鄉試歲試再請增額以羅真才至於教

職一官原以肅司訓迪今復設訓導旣膺義學之任如能教道有方使苗民文理優通克副賓興之選者臣等查明實跡卓薦獎勵倘有怠惰廢弛漫無起發者卽行斥革以示勸懲至查土人無用流官之例不知起自何年臣常考貴州通志漢唐元明以上人用爲流官者頗不乏人而且循良著跡忠貞足紀炳炳志乘媲美中州由此觀之何地無才何才不可用而斤斤以方域限之甚非天地生才之意也况以土人而用爲流官身入中原禮義之鄉目擊中原文物之盛觀感興起倡予和汝行見頑廉懦立鄙寬薄敦又豈僅變苗而民者哉臣



謂土人不用流官之例似宜更正以昭我  
皇上立賢無方之大公以我  
皇上覆載無私之

深仁者也再查貴州土官世系悉皆楚豫秦晉之人時  
因有功分封襲職世守其地並非本地之土苗也  
其子孫族屬原係漢人自應仍照漢人之例一體  
考試舉貢俾圖上進案查康熙三十六年間禮部  
議覆前撫臣閻興邦

題爲謹遵

詔旨等事一案將茶平府學文武生員吳遇詔等七十  
一名以爲係土司族屬即係土司不許考試等

因臣復何敢再爲瀆請惟是粵西土官土目弟男  
子姪撥學與試得領鄉薦土官如有過禁與試者  
定有處分現在遵行是貴州與粵西同一土官土  
目同一弟男子姪在粵西得領鄉薦仕進在貴州  
獨行擯斥化外不許考試阻其仕進錮其終身實  
堪憫惻臣生逢

盛世恭遇

明君不揣冒昧仰請

聖恩將貴州各府土官土目弟男子姪及吳遇詔等七  
十一名文武生員一併准照粵西之例與漢人一  
體考試科舉庶仕進有階而不致向隅之泣則天

末邊氓感戴

聖恩於生生世世矣

鄉闈廣額疏

劉蔭樞

為請增闈額以廣

聖化以鼓士氣事該臣看得泰階啟運變推魯為衣冠  
 至德馨香登殊方而禮樂西岐造士三十世之鴻  
 肇自周文兩都作人四百年之備績開於文景  
 惟文運之日昌斯歷服之永固查貴州一省地處  
 極邊數百年來雖立學宮設教職開科取士與中  
 原一體然士風不振求其鴻才博學者實寥寥無  
 幾我

皇上御極以來加意作人大興文教至於邊遠省分尤

為肫摯近者於廣西四川雲南貴州四省皆額中

進士選拔詞林康熙四十二年

御書文教遐宣匾額頒發貴州以示鼓勵一時任事諸

臣仰

德意設立義學選苗民子弟之俊秀者收之學中令各

學訓導專董其事臣任雲南藩司時總督臣貝和

諾印造古文淵鑑五十部分送貴州學宮又學臣

孫勳於康熙四十九年疏請

御書千文扇本日講四書易經書經諸書頒發到黔令

各處士子熟加誦讀拔其尤者至陽明書院日有

課月有程，日常閱其文義，黜浮崇雅，迥異昔時。聖人作而萬物覩。

皇極建而風俗同，如風之鼓，不令而行，如雷之震，不疾

而速，洵哉一時之盛事，百代之休聲者也。但鄉試

額數僅得三十名，美不勝收，難以勸興。多士臣查

廣西貴州會試同列，中右昨取中四人，貴州獨得

三名，是貴州人文不下於廣西。可知今廣西額數

較多，貴州額數較少。臣思今歲辛卯科鄉試正值

康熙五十年，我

皇上誕膺帝眷，駢集百福，視振古以為昭高，百王而首

出五百年之旨，期導揚淑氣，千萬禎之曆服用，迓

頌祥正其

勅部將貴州鄉試數與廣西一視，同仁則登進之路

既廣，鼓舞之念愈切。邊方人文將與中原爭勝矣。

請開上游驛站疏

鄂爾泰

為請開路改站，以速驛遞，以便商民事。黔省通滇

大路，陡窄紆盤，舊稱羊腸一線。如關嶺盤江等處

尤屬險峻，以故車馬難行，商賈裹足。臣擬由安順

府之安莊，另開新路，直出普安州，之亦資孔寬平

傳可行車，以便來往。前經臣

奏明，續因黔員議論不一，臣轉悉已見未確，遂復暫

停。茲因公赴黔，沿途復加查問，咸稱新路平坦，開

修實便臣隨委員細勘詳覆今據布政司鄂彌達會同糧驛貴東道楊永斌詳稱查自鎮寧州屬黃菓樹起岔入新路至普安州屬蒿子卡舊路止計程二百四十里零八分內花局阿樂郎岱等處道路寬平修整可以行車雖斗即箐坡計止里許頗覺陡峻然險窄之處亦屬易開其餘土地打鐵簡古等關以及石龍那當列當趕場猪場等坡本不甚高一經開平可成大道沿途河溝因地制宜各建大小木橋不難濟涉有西林一渡寬有百丈水勢畧駭然製造船隻亦便可穩渡查舊路至關嶺普安州原係八驛道路崎嶇站頭甚遠內關嶺盤

江江西坡軟橋四驛係驛丞經營其餘四站係永寧普安二州普安安南二縣經營今所改新路自黃菓樹起至蒿子卡止只須安設六驛既平且近每站計不過四十餘里應將原設之永寧普安二州安南普安二縣關嶺軟橋二驛經費撥入新驛裁去盤江江西坡二驛合計應裁夫馬草料每年可節省銀一千八百八兩二錢零米一百三十二石四斗八升穀一千二百九十六石三官役奉工應仍畱撥新驛將關嶺驛驛丞移駐黃菓樹驛驛丞移駐那當江西坡驛驛丞移駐楊松軟橋驛驛丞移駐大山凹其普安縣舍基塲議以普安縣

典史移駐兼理驛務仍司緝捕至安順府親轄郎  
岱一驛卽以普定縣典史就近兼管仍理府屬郎  
岱一帶地方緝捕之事均應給以憑憑丞鈐記以省  
添設驛官其四驛驛丞亦加以憑憑丞鈐記以省  
捕均歸各該管地方官專轄再所屬之軟橋驛原  
無站夫今移駐大山四立爲腰站並添站夫應於  
楊松亦資孔上下兩驛接換又營汛處設一營五  
汛塘撥二十三處除郎岱一汛仍令安籠原防弁  
兵安設不議外所有波頁那營舍基塹楊松大山  
四共五站酌議於適中之那當設立一營餘爲四  
汛應需官兵查盤江營原爲孔道要隘是以設營

兵防守今旣改新路盤江毋須官兵兼防應將盤  
江營官兵移駐新路該營額設守備一員千總一  
員把總二員兵丁二百八十名卽令守備一員千  
總一員帶兵一百八十名駐劄那當把總一員帶  
兵五十名分防坡貢汛再令把總一員帶兵五十  
名分防舍基汛至楊松一汛附近安南營應令該  
營將原防普安縣之千總一員帶兵五十名移防  
於此其大山四一汛附近普安營應令該營撥把  
總一員帶兵五十名防守以上營汛如此安設於  
新改驛路始有裨益至於舊路營汛盤江營制旣  
經全移而永寧州汛原係該營撥防此路難屬僻

道州治不可無兵應將安籠原防副將汛弁兵移駐州治卽於該汛內量撥兵丁分防關嶺盤江橋一路再安南營原防普安縣汛千總一員兵丁八十名除撤防新路之弁兵外尙餘兵三十名令安南營撥外委一名帶領防範如此安設則舊路亦可資巡查又盤江營移駐那當懇請改名永安營鑄給關防總計所需修建道路橋梁船隻以及驛舍衙署營房等項共工料銀一萬一千五百八十七兩零應請於司庫動支正項銀兩卽委承勘之原任安順府知府何經文現任清鎮縣知縣張世昌辦料興工俟工峻之日造冊

題銷一轉移間驛遞商民均爲捷便除圖冊送部外相應具

題

請開下游改站疏

鄂爾泰

爲請開路改站以速驛遞以便商民事該臣看得黔省驛站大路素稱崎嶇難行而下游之黃絲驛至平越府四十里平越至楊老驛四十里此八十里內有武勝關陡箐營箐鏡橋等處尤屬陡峻查由黃絲以下之虎場營分路不經平越直達楊老僅五十里並無高坡實爲捷近又查上游

題准新改驛路六站內毛口過河抵舍基場一站較

舊路雖平但道里尚遠經臣知會撫臣會檄司道  
委員確勘議詳去後茲據貴州糧驛道叅議王廷  
琬會詳委據鎮遠府知府劉泐會同平越府縣及  
駐防營員公同勘明自黃絲以下之虎場營岔入  
新路至楊老驛舊路內如擦耳巖魏家洞張正堡  
湯鍋河清水塘新堡等處俱屬平坦修整可成大  
道其間雖有田坎濫路培砌即可坦行沿途河溝  
小澗各建大小石橋不難濟涉查舊路自黃絲驛  
起由平越至楊老驛共計三驛計程八十里道路  
崎嶇今所改新路自黃絲至楊老計程不過五十  
里既平且近請裁去黃絲一驛將平越一驛夫馬

移駐於適中之西陽塘地方甚爲捷便至驛站既  
經改移應另設守員管理夫役又非驛丞微員可  
能呼應仍令平越縣經管驛務並稽查一應解餉  
解犯等事以專責成又新改驛路一應添設塘汛  
舖遞查自西陽塘起至楊老應設一汛三塘除黃  
絲驛治既經改治西陽塘應將黃絲一汛一併移  
駐西陽塘外仍於黃絲安設一塘新路之楊土坪  
魏家洞各安一塘每塘各安兵五名各設舖司四  
名以專遞送公文除黃絲一舖原有舊設舖遞止  
應添設塘兵巡查外應於楊土坪魏家洞各設舖  
役四名其舖司銀米照通省舖司例支給所有一

應建設驛治衙署營汛塘房等項共需工料銀三千九百三十五兩零應請於司庫正項銀內動支卽委原勘估之鎮遠府知府劉鴻會同平越府縣興工修理俟工峻造具細冊詳請

題銷又查上游前經

題准新改驛路六站以毛口河爲適中由坡貢卽岱抵毛口三站每站俱三四十里不等獨過河抵舍基場一站節經委員查勘較舊路雖平道路尙遠因之舍基場抵楊松楊松抵大山凹站路亦不甚均向緣毛口一驛安設河坪係人馬住宿之所恐春夏水漲勢難改移請將下游所裁之黃絲腰驛

馬匹官役卽移駐於毛口河而以毛口河一大驛移駐於適中之列當地方庶道里得以均平人馬免致跋涉至列當旣設一正站則去舍基場僅止二十餘里亦屬太近應將舍基場一驛改移於普安縣屬之罐子窰旣爲一站則去楊松又止三十餘里未便重設正站請卽以原設大山凹之腰驛改移楊松以楊松大驛移駐於普安州屬之劉官屯地方一轉移間於驛遞商民均皆便益相應會題

撫剿生苗情形疏

鄂爾泰

爲黔省邊境生苗剿撫就緒情形仰祈



瘠鑿事竊照黔屬兩游苗獠雜處半多兇頑出沒無常  
殺擄經慣其種類蔓延巢穴險僻非但輿圖所不  
載並亦省志所未詳爲害邊氓從來已久仰賴我  
皇上仁威遐暨荒甸傾心如上游之貴陽安順南籠諸  
屬並直抵粵界之生苗猥狎皆已陸續向化納賦  
輸誠惟下游之黎平鎮遠都勻凱里等處生苗盤  
踞於黔楚粵三省接壤之間阻隔道途難通聲教  
仍然夜郎自大肆意橫行地方官從不敢過問若  
不乘長寨謬冲烏蒙泗城等處苗蠻震怖之後卽  
行相機清理終爲邊方之患難謀內地之安但各  
種生苗攙雜數郡之中延袤二千餘里其間亦有

良頑各分強弱宜先擇其最頑梗強悍者首加以  
擒治就其素良懦弱者明示以撫恤則威旣足  
懾其膽而恩可以服其心若必逐節爲之亦恐難  
得其要領而坐失機宜也前經臣將各地情形節  
次摺奏荷蒙

聖鑒指授周詳訓示諄切臣因於雍正六年正月內檄  
調前任貴州按察使新授巡撫臣張廣泗赴滇細  
詳商酌籌畫機務令其帶兵前往清理先由都勻  
之凱里各苗次及鎮遠之九股等夷然後至黎屬  
之八萬古州收局竣事並行附近各處協營撥發  
官兵悉聽調度該前司素優才識兼其各據報

招撫寨分戶口並認納苗糧數目俟造具清冊另行送部一應安營設鎮置官添兵諸事宜容與撫提二臣妥商定議另疏請

旨外所有邊境遠近生苗前後剿撫情形合先

題報

慶雲疏

鄂爾泰

為慶雲一月七呈黔省千秋一見事雍正七年閏七月初三日據貴州布政使鄂彌達會同按察使趙宏本糧驛貴東道副使楊永斌分巡貴西道叅議王廷琬詳稱據思州府知府劉溥先後詳列本年七月初八日自申前至酉刻初見府城正北方

有淡色紅霞舒徐蔽布少頃光彩射目有青雲數片左右環合隨有深淺紅雲四圍繚繞又見一朵紅雲宛如宮扇直上半天大數十圍鮮華燦爛旁有光如錦練長數丈縹緲旋繞側邊有黃色雲如淡金如雛鵝頃刻黃雲邊又現出紅雲形色儼若珊瑚鮮明艷麗繼而北方中間叠出青色雲約六七重其下皆藍碧色雲又於初九日午時初刻見西北方平鋪淡色黃雲矗起兩峯其一紅間以紫其一碧染以藍如奇石玲瓏莫可名狀至未末復轉成青色又於初十日未時見有黃雲一抹觀之紅雲衰延數里又有鵝黃紗藍石青碧綠四色雲

層間疊出光明似鏡如觀天宮參差樓閣至酉刻  
如紫紗步障籠罩隱約至十七日午時雲從正北  
方起有米色雲縷以碧有黃色雲襯以紅光映河  
水皆成金色既而半天轉爲綠玉色上有青白雲  
數重雲根皆紗藍捧托中天紅紫相間霞彩騰空  
千態萬狀直至酉初又十八日未時正值北方初  
見銀色雲數朶漸由東方轉成金色黃雲光彩奪  
目側邊雲又起深紫色直豎儼如梅幹根抵青色  
雲霞擁繞南方至申末方收又二十二日交申時  
初又見東北方白雲數十層白雲上現出金紅色  
旁有水紅雲襯托須臾頂上金紅轉吐大紅色直

接西北角東方白雲根邊生出牙色雲一朵藍霞  
幾道上擁金色淡黑雲數重東北中間又生出粉  
邊紅雲如蓮華如佛像頂上俱現黃色水影山光  
皆成金碧又有紅雲如寶幢如旗蓋上有紫氣宛  
轉迤邐半天轉成大紅西則青色雲夾紫霞南則  
淡紅雲夾碧霞直至酉末方散一月六現疊秀爭  
奇綵纈繽紛殊形異彩不獨非丹青所能圖畫實  
有未能以言語形容者一時滿城官弁白叟黃童  
瞻仰之餘驚喜蹈舞莫不稽首歡呼咸稱從來所  
未有斯實上瑞奇祥

皇上誠格之符驗也據思州府闔屬官員弁士民呈報

前來理合詳報等情到司竊惟

祥開日麗

德動天心欽承

聖治化成上下和而天文畢現敬仰

皇猷建極漢夷格而瑞靄時昭思州山名天應地號武

陵參井之喜氣屢迎順成有慶邊陲之夷風丕變

開闢方新復旦光華喜溢貴山富水昭回雲漢歡

騰綠野花村父老兒童頌揚者羣歌

帝德保佑申錫瞻仰者共識

天心從此歷永綿綿介景福於億世祥符奕奕光史冊於

萬年矣合據文繕詳轉請

題達等情又閏七月十一日據貴州黎平協副將趙

文英呈報職奉檄情理古州八萬苗疆於七月二

十五日三梅得寨後山單刀嶺上劄營從未至酉

忽觀祥雲起於西南光華燦爛五彩繽紛映射旌

旗照耀奪目凡在營官弁漢土兵民及歸順苗衆

同時觀望無不額手歡騰稱爲竒瑞軍前未有畫

工未經繪圖等情各到臣伏查黔省兩游兩多晴

少陰鬱潮蒸居民行旅俱以得見清明爲瑞今歲

自春徂秋霽日甘雨時和年豐黔之臣無不交相

慶幸頌

聖天子之格被而思州一府與黎平鎮遠接壤地逼楚

貴州通志卷之三十五  
疆梅得一寨係古州門戶忽見五彩慶雲色異形  
殊呈竒獻瑞一月之內七次嘉徵臣遍查貴州通  
志從未一經記載此照雲南尤屬僅見恭惟我

皇上

道協中和

參化育

皇極日懋俾遐方盡沐光華

帝澤洪施致邊境共昭雲漢有苗既格遍地陽春無歲  
不豐頻書大有人心悅而天

眷屢既嘉祥聲教通而現瑞符恒逢吉兆黔省如大漏  
小漏陰霾散而月朗風清思州與鎮遠黎平烽烟

熄而雲舒日耀一月之內數慶呈竒千古以來於  
今特見續續郁郁美矣盛矣咸欽

至德之難名霽霽皇皇巍乎煥乎辟仰太平之有象  
天重巽以申命是用誕告以彰

聖治之光昌微臣賡歌以颺言惟願特書以補  
皇輿於美備臣等無任踴躍惟忭之至相蕉會

題

全定古州苗疆疏

為報明古州苗疆全定都江河道開通備叙情形  
仰祈

睿鑒事竊照黔屬新聞之古州地方遼濶延袤幾三千

餘里民苗稠密聚處一千三百餘寨諸葛營既控其中羣苗岩復環其外左有清江北既可達楚城右有都江南亦接連粵境向因頑苗盤踞各寨巢穴棄諸上游之界外據乎三邊之腹心故順則一水可通逆則多力中阻歷代相沿爲患已久臣屢

經

奏請調遣官兵已將諸葛營清水江丹江八寨九股等次第清理業於雍正七年間

題報在案但清水江一帶雖已黔楚通行商民稱便而都江一帶則皆阻於生苗寨外檢阪如來牛定日擺調方勝革昭革雄搖擺搖晒滾宗滾塘之類

皆以一大寨各領數十百小寨甚爲兇頑最稱難制欲使都江開導直達粵西非勒兵深入遍歷各寨亦剿亦撫則其勢必至阻撓清理終難就緒况清江餘孽自剿公鵝後其附近一帶如鷄呼黨東庫白索白汗之屬未經懲創恐復跳梁卽古州附近之車寨口寨月寨亦因從前軍威未加急圖招撫故仍反覆不常若不乘此大舉籌畫萬全則苗衆效尤將貽後日之患河道現阻更屬切近之憂是以臣調兩省之兵竭二年之力嚴勅將裨毋得苟安迄今夏秋始獲全定此皆

聖明之訓誡亦屬官弁之勤勞也除安營添兵事宜另

疏請

旨其寨分戶口認納苗糧以及收繳器械數目俟分晰  
造冊送部所有古州苗疆剿撫全定都江河道開  
通情形相應備叙

題報

進嘉禾疏

張廣泗

為

皇仁溥洽萬姓豐盈詳請

題報大有之年以昭

聖治以重民依事據貴州布政使司布政使鄂彌達署  
貴州按察司事布政使鄂彌達糧驛貴東道副使

楊永斌貴西道叅議王廷琬會詳稱竊惟

邛隆之世必有嘉祥

盛德之朝每多徵應穀為至寶恒因

天鑒以呈奇禾乃民天必擇樂郊而吐秀黔省處在遐  
邊漢夷雜處蒙我

皇上軫恤殷懷無遠弗届是以今春雨水及時所有春  
菽夏麥俱十分豐稔至於蚕豆有粒大如栗豌豆  
有粒大如榛者尤從來所未有業將情形詳報

奏

聞在案迨自夏入秋風雨調勻田禾暢茂以及黍粟雜  
糧等項無不迥勝常年頃值萬寶告成之時本司

道等正在徧行詢查間據貴陽安順威寧南籠平  
越都勻遵義思南石阡鎮遠銅仁思州黎平等十  
三府定番廣順等十四州貴筑龍里等三十四縣  
紛紛稟詳前來各以秋成十分豐熟嘉禾瑞穀不  
可枚舉各據所屬耆老士民人等咸稱黔地山多  
田少鮮有平疇每屆播穀之後若雨水稍多則高  
阜者得濟而低窪之處未免浸損若晴霽稍久則  
低下者正賴有秋而高阜山田灌溉不足至於黍  
粟雜糧等項全藉山土種植而土多沙石最為淺  
薄惟今歲自春及秋望雨則雨望晴則晴無論高  
低原隰早稻晚稻皆十分暢茂並高粱小米稗穀

我等有年老人皆生長豐稔從  
之幸甚抑且是誠

聖主在上海而萬民我等為若樂利惟忭無已特將嘉  
示瑞穀捧持呈獻並請詳誌

九重以彰

聖瑞等情又陸續在據上下游新闢苗疆駐劄之文武  
各官移報內稱苗地山高水冷氣候寒暄不時苗  
人雖耕鑿極勤而限於地力往年收成甚薄乃今  
歲豐稔異常苗人等莫不驚訝歡喜老幼男婦相  
率持香匍赴行營口稱我們苗人刀耕火種極費  
工力從未有如此豐收亦從來未見有此等禾穀

貴州通志 卷之三十五 藝文 疏 五十五



今日甫歸

天朝即得享此盈寧之福特採送呈驗等情實為聖德廣被是以慶溢遐陬合就稟報並據賚送各種嘉

禾到司本司道等逐一檢查彙核之下仰

聖治光昌

仁恩遠播大地已霑樂利巖區更際豐登無論虞土苗疆共稱大有合之稻禾黍稷實逾尋常是誠慶集一人歡騰萬姓謹將一二種嘉禾之尤出格奇異者檢齊萬八千穗具文一併詳賚請祈察

報大有恭進

昭

聖治等情到臣欽惟我

皇上

仁育萬方

恩周八極

維懷維保既澤被於羣生

丕顯丕承尤業隆於邁古萬幾時凜措萬國於清寧

庶績咸熙合庶物而順則於是

太和之氣洋溢於兩間因之

景福之祥疊著於遐省其誰不恬遊化日欣戴

聖朝民事修而誌慶宏休萬物育而興歌柔兆是皆本

於

聖主重農力穡風動時雍之所致也臣等伏查黔省土  
少平疇田多瘠薄乃今歲五風十雨莫不應時東  
作西成遂登大有謹按稻穀粟米偶或三岐兩岐  
六穗兩穗者便稱上瑞今則芄芄翼翼稻穀一莖  
自兩穗三穗以至四五七穗粟米一莖自兩穗以  
至九穗他如黍穀稗穀之類皆自四穗以至十五  
六穗不等又稻穀顆粒往屆豐熟之年每穗不過  
二百餘粒間有三百粒者便爲瑞穀今則由四五  
百粒以上而至七百粒之多其粟米每穗不過長  
七八寸間有盈尺者便爲瑞粟今則由一尺四五  
寸以上而至二尺有奇甚至稻穀有一本三十穗

粟米有一本四十八穗更有一穗之上復生爲五  
岐六岐九岐者不獨遐方所未覩亦屬內地所稀  
聞非特耳目所未經更爲史冊所罕載是以白叟  
黃童山農石戶交相告語匝地歡呼以爲

君王本此懷保之慶致我四民獲此盈寧之樂接踵駢  
肩競美倉箱於遍野焚香叩首齊祝

聖壽以無疆總由我

皇上之至誠至敬感格

天心下來崇濬孚億兆似此地道呈祥歲逢大有實非  
尋常佳瑞可得比擬所當恭疏

題報請

旨宣刊史館以昭

聖治光垂萬世者也今據該司道等會詳前來所有送

到嘉禾萬八千穗敬謹盛貯並繪具全圖委官布

政司經歷章令譽領齎恭

進外臣謹會

題伏乞

皇上睿鑒施行臣等感世踴躍忻忭之至謹

題

瑞穀靈芝疏

張廣泗

為

聖德廣運極隆遐省嘉

慶著萬姓歡呼千秋僅事

雍正七年十月二十三日據布政使司布政使鄂

彌達署按察司事布政使鄂彌達署糧驛費東道

事貴西道叅議王珩疏護理貴西道事南籠府知

府黃世文會詳稱據署普安州事貴陽府同知朱

東啟詳稱據州屬老農里長人等稟稱普安四面

環山所有田土向來瘠薄今年叨賴

皇恩秋成大有嘉禾瑞穀連穗多岐業將情形稟報在

案乃不謂收穫之後有遺畱在田之稻根於八月

天忽又生芽長出青苗小民等猶以為雨水調勻

滋發之故不甚留意亦未加人工豈意漸至茂盛

揚花結實且非止一處盈阡滿陌再慶豐盈我等

老幼婦孺生長農家從來未見未聞不勝驚喜為此捧持呈驗伏乞轉請上達

天聽俾知我等邊方人民何幸得享

帝澤宏敷至於此極等情轉報到司道仰見

聖主功隆化育德並生成全黔已著嘉穀之祥普屬復

見稻孫之盛非憑人力對白雲以吐華惟任土膏

際濃霜而結實值斯一陽初復二穀重登實皆地

道呈祥總由

天心協順之所致也理台會同詳請

題達並將復長瑞穀貴送到臣又於十月二十五日

恭逢

萬壽臣率同各官在於

萬壽宮齊集坐班適據都勻府知府王鍾珣差人投稟

內稱奉委估修新開清水江河道卑府於本月二

十三日在鷄賈苗寨河口督看漢又相度繹路之

時見有靈芝生於巖石之上一時苗民工作人等

大爭相觀看齊聲頌揚以為神異卑府隨即連石鑿

取端差呈送查閱等情前來臣當與司道文武大

小各官並隨班之耆老紳士兵民人等望

闕高呼敬謹捧閱送列靈芝係從石內雙幹挺生長幾

盈尺其芝蓋連理和合質地甚堅五色煥彩冠勝

額慶欽惟我

皇上

德合乾坤

化隆位育

至治極雍熙之盛早已助應乎

八心

大公惟懷保之殷更又疑承於地道乃黔省遐邊一

載以來既慶雲之一月七呈復大有之闔省普告

固已羣遊

浩蕩之天共戴

生成之賜矣今普安州地方於收穫之後所遺稻根內

復自發生由苗而秀田秀而實不費耕耘不假人

力盈阡滿陌再見豐盈實為從來未有之瑞益兆

生生不息之機至於清水江河道本屬天地自然

之利向為生苗盤踞阻隔茲仰賴我

皇上恩威遐播開通利濟而沿河之鷄賈苗寨乃從未

經官役人等往來之地頃值開修伊始遂有靈芝

獻瑞煥彩非常尤遐省亘古之所罕聞者斯誠地

氣默運轉移化樵結為衣冠之象且齋報到日適

遇

萬壽聖節華祝嵩呼同時平集黃童白叟相率興歌從

此安開萬年有道之長成頌

一人添壽之慶也臣等欣理

聖世日擊嘉祥惟有稟體天人響應之  
上諭益深寅畏務勉公忠不啻瞻覲

天顏依廻

楓陛所有送到稻孫芝靈芝現在敬謹盛貯另為捧齎

恭進

御覽外臣謹會同雲貴廣西總督臣鄂爾泰合詞具

題伏乞

皇上睿鑒施行臣等無任踴躍懽欣之至為此具本謹

具奏

聞

設立苗疆義學疏

張廣泗

為敬陳學政事宜仰祈

睿鑒事該臣看得黔省雖屬遐邊叨蒙

聖朝休養德澤於茲百年民物歸醇人文日盛所以內

地熟苗觀感興起皆知從師受學出而應試仰荷

聖恩特設苗籍取進之例現在每屆歲科於各府州縣

有苗童者取進生員一二名不等以示獎掖因之

此外生苗率皆聞風嚮化稽首歸誠共附版圖咸

叨樂利是誠我

皇社仁威遠播治化攸隆默喻潛移有不期然而然也

今陞任學臣徐本條奏新附苗生既為良民其子

弟亦思上進請照東川湖南之例於苗人就近鄉

村設立義學課讀經書數年之後果能赴考附入  
內地兩籍一體酌量錄取等因臣查苗人亦屬血  
氣心知之倫茲幸霑沐

聖慈概予招徠共爲赤子總計上下兩游新附苗疆延  
袤二三千里人戶不下數百萬并經

題請安設營制以資防維酌立崇官以司教養於撫  
導綏戢之餘必當誘植彼之秀異者教以服習禮  
義庶幾循次陶淑而後可漸臻一道同風之效是  
所請設立義學課誦新附苗人子弟實爲振勵苗  
疆之要務茲據布政使司布政使鄂彌達議詳前  
來臣等復查上

如上游附近岷順鎮寧等府州地方者則爲神苗  
其下游附近都勻鎮遠等府地方者則爲黑苗附  
近黎平一邊之古州則爲洞苗俱屬生性獷悍習  
俗野頑從來未經聲教所及至於永豐州向係廣  
西泗城土府之地所轄土民原非生苗可比因土  
府陋習恐土民向學有所知識即不便於彼之苛  
政不許讀書以致蠢頑竟與生苗無二是此等苗  
向既已頂戴

皇仁一且出諸水火而登之衽席則教養訓迪之方必  
不可少惟是苗民向化伊始其子弟就學者爲數  
寥寥禁之苗寨凡有漢奸往來正當嚴禁若因課

讀而遂使生儒等居停於此設或一時選擇不得其人該文武稽查有所不周卽致生事以及永豐州地面尙有烟瘴之處人亦囿於前往是以臣等酌擬似應先就已安營汛之處分別苗戶多寡各爲設立義學使之課讀俟其逐漸觀感依向愈殷然後隨地分設庶資實效也查下游附近黎平府之古州已安重鎮週圍苗戶繁多應設立義學二所附近清平縣之大小丹江附近都勻府之八寨附近鎮遠之清水江舊施秉又上游附近安順鎮寧等府州之擺頂威遠汛等處均有安駐將備等官各應設立義學一所責成新設之同知通判統

爲稽查董率其永豐州治係在珉球而冊亨羅斛乃州同州判分駐之地俱安營汛在此三處各設立義學一所責成該知州州同州判就近稽查又永豐州已設學正一員旣尙無應試生童可以管束卽將此三處所設義學交與該學正董率勸導至課讀之人應在各附近選擇老成生儒前去所需設立義學館舍及每年修脯等費俱係臣等酌捐應用毋許藉端派累苗人除俟各處營制安駐已竣卽爲奉行外但訓課此等苗人非同內地俊秀要在開其知識使漸曉禮法應於每處義學俱先將



聖諭廣訓逐條講解俾令熟讀然後課以經書如苗民子弟中能勉力趨學日就領悟則令各該管官不時稽查隨予嘉賞並將其父兄一體獎賚以示鼓勵俟數年之間有稍識文義者卽送該管官申送學政衙門考試仍仰懇

皇上天恩准令學臣不必入在向定苗籍之內祇就此新附苗人子弟中酌取一二名以風苗衆庶彼見有進步之榮久而久之咸切觀感之念陶以文教消其悍頑於苗疆治理不無裨補皆出自

聖主訓俗牖民之洪恩也臣謹會同少保雲貴廣西總督臣鄂爾泰貴州學政臣晏斯盛定議合詞具

題

改徵米石摺

張廣泗

爲奏明事黔省每年額徵秋米十一萬五千餘石緣貴陽等府屬向例額徵秋米多於地丁其下游各府屬額徵秋米甚少止徵地丁並無秋米所以下游各協營不敷之兵糧皆於上游有餘米之府州縣撥給惟上游地方產米素多價值常賤下游地方產米無幾價值頗昂遂致折徵之州縣百姓約需兩石價銀始敷一石折色兵丁支銀一石折色究竟難買一石實米兵民均爲不便臣與司道等再三籌酌惟有將地丁改徵米石之一法今計

平越等府州縣共三十二處之地丁銀內改徵銀  
三萬二千三百零每石價銀自六錢五分至九錢  
不等共改徵米四萬二千餘石以爲撥供新疆兵  
丁湊支舊額兵丁月糧之用雖不能全支實米而  
每歲新兵約止折給兩箇月銀兩兵丁卽易於爲  
力將來可免下游採買之煩上游折徵之累且下  
游府州縣內於撥供兵糧之外尙有餘米卽畱作  
本處倉儲以備不時急需設遇應行糶賣之時亦  
可以資民食惟是民苗等納銀已久茲令改納米  
石恐於輿情未協曾密諭各府州縣詳加體詢俱  
稱允便嗣值署督臣高其倬赴任備悉商酌後督

臣鄂爾泰過黔面請確核皆以爲妥便可行除定  
議詳細數目現在會疏

題請外謹繕摺先爲

奏明

考試分棚疏

張廣泗

爲公懇詳請分棚考試以培人才事該臣看得黔  
省屬在遐邊漢夷雜處凡僻小郡治不能俱設考  
棚所以定有前赴別府合棚就考之例原屬因地  
權宜也比年以來恭值

聖治日隆百度具舉於郡邑之控馭不便者歸併管轄  
經理咸宜先據黎平府以黎平向祇轄永從一縣

僅府縣兩學生童無幾皆赴鎮遠府合棚應試計程途五六百里不等今則添轄三縣合約生童不下二三千人又據南籠府以南籠向係廳學生童皆赴安順府合棚應試計程途十站有零今則改廳為府並隸二州二縣生童為數已多若仍赴別府就考實屬偏累不便各據士子等懇請各設考棚應試等情由詳報到臣隨批布政司查議暨咨學臣會核去後茲准學臣晏斯盛覆稱學政定例原應按府考校因黎平南籠二郡向未設有考棚是以赴別府與試今各屬士子既呈請建棚分考永免長途跋涉守候之苦誠一舉兩便之謀事屬

可行等因并據署布政司事糧驛道叅議王廷璣詳據署黎平府事古州同知滕文炯南籠府知府黃世文各行查覆經前司議稱黎平添轄開泰錦屏天柱三縣南籠改廳為府並隸普安永豐安南普安四州縣迥非從前規模可比在黎平合屬生童較前既多若令仍赴鎮遠候考甚屬苦累即如普安一州安南普安二縣雖從安順割隸南籠然此三州縣相距安順已有三百里以至四五百里不等其永豐一州乃粵西泗城土府地方嗣改為州歸屬南籠自州至府計程已四五日而各州縣生童先赴府試之後復往安順候考尤為遠涉各

自設棚之請誠屬允合並聲明設立考棚出自士  
子等踴躍共捐應聽其經營建造仍令各該府畱  
心稽察倘有劣衿棍徒敢於從中指藉滋事嚴加  
究治俟建造完竣報部備案查考等情詳候

題達前來臣查黎平向祇該府暨永從縣兩學南籠  
府原係廳學應試生童無幾今黎平已添轄開泰  
錦屏天柱三縣合計共有五學南籠改廳爲府並  
隸普安永豐二州安南普安二縣合計亦有五學  
生童衆多若仍令赴別府就試誠屬未便旣據該  
司等議覆各生童公懇設棚緣由所當仰邀

聖恩准照所請在於黎平南籠二府各自設棚考試庶

多士益知奮勉而學校章程亦可底於畫一矣臣  
謹會

題

苗疆積貯疏

元展成

爲苗疆之積貯宜籌謹酌擬撥運仰祈

睿鑒事該臣查得黔省新闢苗疆幅頓遼濶生齒繁衆  
加以古州清江安設重鎮四方商賈絡繹往來此  
地米糧寧可使有餘不可或有不足是積貯之道  
當預爲籌畫以仰副我

皇上軫念邊疆之至意也但黔省產米有限輓運甚艱  
今欲議積貯於苗疆而卽撥糧於本省勢必不能

是以臣於上年六月間具摺條

奏以古州之都江河道直通廣西之柳慶潯賓等府  
州除柳慶二府現在將所貯每年糴三穀三萬石  
碾運古州無庸議撥外仰請

皇上勅下廣西撫臣將潯州賓州沿河等倉撥穀五萬  
石分貯新疆每年於青黃不接之時照例減價糴  
三以濟兵民之食秋成買補還倉荷蒙

皇上天恩將原摺發交大學士伯鄂爾泰議覆查廣西  
之潯州賓州既有餘穀可撥應令元展成先扎商  
廣西撫臣金鉞一併妥議會

題奉

旨依議欽此欽遵臣隨將所奏情由扎商去後嗣准廣  
西撫臣金鉞扎覆潯賓二屬倉貯款項除常平捐  
穀社息等項不便動撥外有各年兵米改徵之穀  
可以撥運擬於潯州所屬之桂平縣貴縣武宣縣  
平南縣等處共撥穀五萬石委員料理船隻陸續  
來運等因臣復檄行司道將委員運貯事宜妥議  
去後茲據布政使司布政使常安署理糧驛道事  
大定府知府陳惠榮詳稱粵西撥貯穀五萬石照  
連年採買粵米舊例僱船裝運以五萬石三年分  
運每石約水脚銀四錢至五錢不等每年運穀一  
萬六千六百餘石三年共約需銀二萬有餘酌動

正項銀兩發給僱募輓運委運官如有浮冒剋減等弊一經查明卽行揭叅俟年底將輓運穀數及用過水脚銀兩確數造冊申報確核彙冊詳請報銷所有倉廩古州貯穀三萬石該建倉六十間都江貯穀二萬石該建倉四十間並請動支正項銀兩分發古州同知及都江通判一面建造以備收貯俟工竣日彙詳核銷其穀於每年青黃不接之時照存七糶三之例減價出糶秋成買補還項則倉儲不致稽延而兵民緩急有備實於苗疆大有裨益等情前來臣覆查無異相應會同雲貴廣西督臣尹繼善廣西撫臣金鉉合詞具

題伏乞

皇上睿鑒勅部議覆施行再查清江等處分貯米石已准部咨大學士伯鄂爾泰議覆粵東撫臣楊永斌條

奏截留湖南漕米十五萬石三年分運收貯現在咨商湖南撫臣趙宏恩另行妥議會

題今併陳明爲此具本謹題

殿

殿今將新殿... 殿

殿... 殿

殿... 殿

殿

殿... 殿

殿... 殿

殿... 殿

